

百
柱
堂
全
集

百柱堂全集十七卷

戊午

己未

監利王柏心子壽

元日舟中

綵鷁聯沙浦蒼龍直斗杓
村沽供柏酒江雨帶蘭橈
鄉路仍羈旅天涯又歲朝
猶勞慈母望日日布帆遙

物候

物候江干換生機眼底饒
輕風催鳥嘯新雨長魚苗
歲酒鄰舟會春旛彩勝飄
距家纔兩舍仍悵阻征橈

解纜

解纜滄江道迎人鷗鷺飛
沙融寒雪盡山納霽雲歸
疎賤空

懷策風塵息機歡顏奉慈母自有老萊衣

道人磯

台

立江中望之知道冠故名

道人何

見謁天庭仗此鐵冠力滄波懾百靈有瀾回

砥柱不用戰雷霆江左斜簪客風流讓典型

楊林磯

盡納西南水驚濤向此奔峭橫雲作障險擎石爲門恒遣川
祇順何虞地岫翻戰衝當五季曾重水軍屯

抵家

十日九停舟朔風曾未休旣非莊舄仕翻作賈胡畱冒雨方
移艇看山且順流天涯更歲琯今始豁羈愁

感興

出門見稊柳已解舞春風宿雨添朝潤新枝發故叢
蕃昌均自得橐籥竟誰功惟有潛郎鬢年年只似蓬

春草方生欣然卽目

燒痕如夢醒生意逐春還纔掃青連渚俄吹綠上山
雨絲飄蕩處煙態有無間渲染天涯徧東風總未閒

望裏

望裏遙連白馬磯蘼蕪兩岸競芳菲一江新綠無人
管時有沙禽掠卽歸

送客

江上春來送遠行
萋萋芳草逐愁生
無端吹徧汀洲綠
散入天涯萬里情

寄懷伯韓觀察

三年淹滯鳳凰城
宣室何時問賈生
終倚人才方撥亂
非關天意未休兵
諸州寇盜猶屯結
萬里蠻夷復震驚
攬轡定堪銷反側
亟須公等出澄清

答芝房

兵戈相望久愁顏
何意簪裾得再攀
蹙遣畱賓三徑裏
仍看謁

帝五雲閒
飛鴻忽墮迢迢訊綵鳳
方歸侍從班
獎借不因尤

晏序誰憐吟苦爲時艱

承爲拙詩製序

朝隱蕭然素士風著書懷抱有誰同詞多司馬微文外事盡
長沙太息中圖貢萬方凝

寶錄

聲靈七業纂

神功與邦自昔由屯難

禁閤無忘獻納忠

題王琴仙畫山水長卷

雲煙亂走屋撐破突兀千峰萬峰過崖崩石圻瀑怒飛洶湧
驚濤散入座得非夸娥負且趨細觀乃是均州王生之所圖

百桂堂全集

卷十七

三

疾掃長牋十餘丈蒼然筆力何雄蕩岷峨鳥道盤空回五丁
怒擘天梯開蒼藤古木隱日月峽口一線長江來隴山嵒冢
連嵯峨梁洋山走商鄖多漢東疊嶂夾眾壑屈曲倒注滄浪
波岸豁川長向空瀉健帆破浪疾奔馬巴巫襄漢來眼中使
我卧遊不能捨王生奇氣填心胸傾吐立化千芙蓉吟詩又
聞逞豪縱豈惟繪事追北宋年來江海徧征戍憐汝飄零在
道路我亦崎嶇託隱淪林泉世外久難遇披圖悵望起遐慕
鹿門商顏竟何處采藥茹芝從汝去

鄭春農司馬摹劍研二銘文徵題

劍爲李供奉物後歸新建
伯視爲岳忠武物後歸中

太白劍託王新建中山乃寶岳侯研神物終付非常人錯落
銘文猶可見鄭侯愛古兼好奇寶此拓本邀題詩襜帷佐郡
涉湘水裝作長卷恆護持四賢磊落盡人傑神物畱傳更奇
絕吁嗟乎劍有時而折石有時而泐惟有倚天貫日之精靈
盤薄萬古不可以磨滅請看挂壁風雷生或恐蛟螭氣蟠結
贈吳南屏學博卽送其還巴陵

君家洞庭南我家洞庭北煙波百里間望望招不得宛陵昔

稱君

謂伯言
梅丈

文章實絕特飛雲難合并矯首重歎息自從戎

馬生乾坤榛莽塞足音跼然來令我喜動色旣幸脫艱虞又
得展胸臆鴻儒肩藝文實關造化力崎嶇竟獲全斯道不中

戾以此卜昌期嘉會未有極莫負好湖山寬閒安釣弋

近來頗與牧躍起皆湖湘奪身掃氛孳威稜在戰場惟君老
屹屹文苑爲鷹揚高睨韓歐間千載追翱翔治化翔濱古微
言賴以昌破屋出煨燼中有萬丈芒爛然燭霄漢垂作虹霓
光策勛仗柔翰竹帛無低昂經國有大業豈不在文章

聞有騷人國實在古荊州翩然挂片席褰佩來汀洲屈宋竟
已矣蘅杜渺難求滔滔大江水無端生古愁世難且未息登
高寫我憂我憂未遑寫百感紛相投太息舍之去興盡回孤
舟君來曾幾日去又不少畱安得假羽翮相送過巴邱乘月
聽瑤瑟從君湘水遊

雨中感爲俳體遣悶

聽雨似村居蕭條隱几餘野雲低宿戶階溜疾翻渠微潤侵
細帙輕寒逼綺疏百川聞欲漲棹竹近何如

蔓引將連壁榛荒欲隱扉庭蠋題薛碣池蠅襲苔衣桑扈糧
應裹楊雄客漸稀江州傳露布未阻捷書飛

聞新克潯陽

官軍復江州

三年夷死寇百戰拔潯陽此屬終誅磔何人敢倔强揮戈移
虎旅舉權奮龍驤破竹乘今日凶巢可覆亡

偕清軒勉齋耀卿出郭憩太暉觀歸途感賦

命儔展遐觀步出郭門西遠綠雜然會蒲荷紛已齊雨後眾

流赴注爲橋下谿魚鼠聚三五列蔭垂楊低琳宮駭竦峙金
榜森標題連費亘碧漢拾級凌丹梯萬眾助緡銅擲等沙與
泥土木被金碧詭麗安能稽崇侈始勝國頽波難爲隄厥患
甚蠱疾潛伏不可剗神州半流血瘡痍哀烝黎傾貲媚迂怪
湛溺誰所擠仙靈詡宏濟盍不息鼓鼙至今扇薄俗坐視斯
人迷太息去不顧歸路遵荒蹊遠鐘尙送客暮鳥亦已啼瓊
臺一回首猶覺千虹霓

得秋丞書却寄

旂幟行按壘亭障起揮戈塞遠烽猶接民殘寇轉多尺書何
自至入口幸無佗倘有莠鱸興扁舟返澗阿

夜坐示燿卿

亂蛙喧忽近鼓吹作繁聲始覺池新漲還占雨欲晴螢低當
檻度蝸出負牆行寂處能相慰聯吟賴友生

偕燿卿池上晚步

柳下釣人多斜陽倒射波嶼回藏宿葦溪漲沒新荷鷺立閒
窺客鷗眠澹羨佗未知莊與惠濠上興如何

城西湖濱晚眺偕燿卿作

愛此城西曲煙波鏡水同人家楊柳渚巾扇芰荷風靜覺魚
窺影遙看鷺下空納涼宜向晚香在綠雲中

潛江烈士行

烈士者潛江廩生戴君自培也咸豐四年粵賊踞江漢君
集鄉團得六萬餘人分守十五垵賊不敢犯四月賊擾沔
之仙桃鎮及潛之多寶灣君率眾往擊連戰皆勝賊遁五
月君擊賊於長老鎮之荷花月隄賊敗走俄而大至君陷
伏中鎗死同時男女死者四千人邑人采其事徵詩因賦
是篇

書生仰天眦雙裂誓馘豺豕飲其血潛江烈士恠戴君慷慨
大義口陳說懦夫攘袂盡敢決六萬健兒起團結祆賊蠶屯
潛沔間刼堡攻村往復還火光宵熬仙桃市殺氣晨高多寶
灣君聞赴難親躍馬援旗大呼震屋瓦揮戈疾鬪賊不支嗣

骸藉藉蔽原野仲夏再戰氣彌厲孤軍陷伏後無繼水深浩
浩蒲青青烈士捐軀堪隕涕失我外援空號咷四千殘骨委
蓬蒿凶徒高歌血洗刀悲風捲地揚怒濤當時大帥高連營
人言殺賊惟書生書生何嘗有祿秩婦孺爭傳烈士名君不
見湘鄉羅羅山江陵林立甫並起諸生奮才武威稜忠節照
吾楚戴君戴君亦其伍世無韋布出禦侮誰信儒林有經虎
題吳展其之驥詩草二首

悲歌劉越石書記阮元瑜世亂輕才士時危激壯夫忠肝餘
涕淚落魄尙江湖詞苑鷹揚氣飛騰不可無

帝道中興會湘東出將時龍驤風正利魚斧泣應遲倅獻淮

西寇功收薊北師請歌洗兵馬磊落吐雄辭

雨湖漁隱圖爲吳展其明經題

蘄春山下雨湖水半映芙蓉半桃李著書難得好湖山前輩

風流多寄此

州人顧黃公及陳愚谷皆居此

吳郎逸氣凌雲煙擬築幽居南

郭偏煙月長宜青翰舫水雲分占白鷗天橫空枉矢照江渚

麒麟山下徧豺虎仙源獨在雨湖中全家竟脫烽煙苦百戰

今看楚塞清雨湖風景最關情不忘結屋臨中沚直欲垂綸

送此生吳郎搖筆負文藻壯歲風塵嗟潦倒閱世常虞憂患

冬看君豈作煙波老秣陵凶巢久未覆長蛟跋浪三山蹙礪

溪日夜望非熊盍起投竿符夢卜不然策鼇駕長風瀛臺正

待文章雄賦成斫鱸蓬山頂往掣鯨魚碧海中

送鄢友石赴皖入李鶴人方伯軍幕

飛黃騁長轡俊鶻凌高秋乘勢展邁往凡材安得儔少年有
鄢子人中英傑流櫓槍痛未掃志在雪

國仇深沈挾智勇未肯輕相投中宵拭雄劍鬱鬱蟠蛟蚪臨
淮忠孝將名冠東諸侯价藩控皖境開府羅奇尤子將仗劍
往道出古荊州故人重解析尊酒相淹畱吾聞古將帥拔擢
皆有由不逢魏與蕭韓白誰見求雄俊遽知已奇功良可收
羣凶久干紀天意當虔劉

王師偏建業梟獍將成囚楚軍萃水陸剋期發上游奇兵自

自注
院出疾若鷹脫鞵一鼓覆其穴刮此腥穢羞江海盡澄汰
極安何憂行矣告賢帥借箸贊此謀子志旣克展我衰甘林
邱捷書慰老眼日登江上樓

咏庭下女蘿

汝抱纏緜性吾憐宛轉容莫教縈曲木只要附喬松舞影時
疑鳳蟠空亦學龍扶持依正直偃蓋卽高峰

秋寄袖石觀察

潭潭卧虎在申陽顧盼威能靖寇場部下耕耘安枕席尊前
談笑壯金湯彩毫興湧詞源水繡斧秋生武庫霜可憶故人
成釣隱扁舟終日咏滄浪

傳我泉以詩屬校讀其癸甲以來諸篇重有感焉率題其後

我泉名筆可

崇陽副車

我誦傅子詩念亂最深切枉矢經南天蒼生盡流血薦食江
沔間宗國再淪滅惟昔重繭人痛哭秦庭徹亡國可復存豈
不在豪傑寥寥千年來英風何歇絕詎知包胥倫跼伏在巖
穴負母逃山中獨全志士節雖無文二父爲

國剪凶孽仰天發悲歌大義肝肺熱上推姦亂萌禍始禁防
裂下言鋒鏑餘未可困搜抉詩人洞先幾高識眾難埒撫事
觸憂端蘊蓄偶一泄耿耿康濟心什九祕局鑄惜哉滯衡茅
不佐前籌決天兵近掃除

國恥足振服神靈翊

中興舟楫望賢哲將子謝邱園無爲守故轍早持經

國謀巖廊往陳列

荆南策蹇圖爲伊猗君司馬題

驊騮逸足不得展悠悠駑驥誰能辨憐君蹭蹬向風塵垂老
荆南還策蹇櫬竹江干暮復朝笑看鯨浪已全消吟鞭緩拂
沿隄柳往往尋詩似灞橋君不見承恩敕賜飛龍馬朝天學
士風流寫又不見將軍馳驅汗血聽破陣擒王歸奏功霜隲
意氣輕千里驕嘶振鬣長風起君獨胡爲困泥滓峻阪鹽車
悲騷駟吁嗟乎黃金臺圯生蓬榛英豪自昔多沈淪乘興探

梅亦良得不妨權作孟山人

琴銘爲汪小皋學博作

枯桐閱世三百年龍脣雁足誰所全
泠泠古調爲君傳松風萬壑鳴秋泉

霽後偕耀卿城西湖濱晚眺

秋霽碧雲迴流眄城西陂湖陰送暝色
瑟瑟涼颿吹昨者共銷夏蓮葉何參差
綠淨杳如海亭午回炎曦今來曾幾日
清荷颿已衰蕭辰變物色萬化潛推移
所遇感搖落悄然自悲願言勵明德及茲
壯盛時令名不可替金石以爲期
送伊猗君司馬之官安州

老去詩人仍外吏蕭然一櫬向安州天涯淪落青衫客不聽
琵琶也淚流

秋來鴈鶻拂雲飛稻熟江湖雁鶻肥芝草琅玕何日長人間
猶有鳳凰飢

黃葉深山好句傳詩家三昧證唐賢衙齋秋興今何似寒雨
荆榛倍惘然

雨中黃葉下深山司馬句也

蔡則山水部過訪

一出承明萬事非津門望斷白雲飛故山松檟阡難表徧地
戈鋌客乍歸竊發楚氛仍未淨無家齊贅且相依相逢莫話
年來事空遣汎瀾淚滿衣

庾園羅宅跡多荒子美淹留興倍長詞客最憐騷國路詩人
難得水曹郎芙蓉江上遙堪采蘅杜秋來迴自芳屈宋銷沈
誰摘豔待君千載一褰裳

送展其秋試

是歲楚闈以九月舉行

鵲立才如海英詞獨擅場一鳴中奇律萬馬避飛黃楓助泥
金豔梅迎淡墨香大羅高咏夕寒帶羽衣霜

方叔元戎望陶公命世才危疆重拓宇戰地亟翹材浩蕩翔
鷗路崢嶸選駿臺雨湖謝漁隱高舉勿徘徊

八月十六夜江上玩月寄耀卿

玩月誰最奇江與月交蕩月輪浮海來江氣挾秋壯異彩騰

晶瑩流輝射潏潏天門歛遊氛水府燭瓊狀驪龍潛九淵抱
珠不敢向長鸞颯然鳴中流蹙驚浪羣山俄動搖銀闕眩蓬
閨疑見眾飛仙招手金鰲上便欲從之遊九垓恣跌宕忽憶
素心人清宮邈相望清光可攬贈路遠歎惆悵焉得共方舟
羽衣振高唱

李迪菴中丞之師覆於居巢公亦殉焉作悲廬江弔之
長驅皖口城當拔獨赴廬江勢已分百勝全威傷一蹶重圍
絕地覆孤軍須隨陣沒人皆痛延伯身亡寇益紛自鑿凶門
知不返猶傳涕淚灑江雲

出師時揮淚登舟

又弔李迪菴中丞

傑出羅山門下士恂恂無過李將軍孤羆屢折貪狼勢一鶚
橫凌鷺鳥羣越石壯心終不遂嫖姚天幸竟無聞五年精銳
同殲盡誰與東南掃寇氛

悲歌八首

朔風江上日悲歌天醉茫茫竟若何外侮內憂爭跋扈勁兵
良將總銷磨鯨鯢巨海殊難測豺虎中原亦漸多聞道黃流
冰易合誰提突騎起防河

唐家畿甸化爲烽不失河山四塞封猶幸江淮通轉運未妨
關輔闕租庸豈聞飛輓諸方梗但倚滄溟萬里供廩廩軍儲
籌不易徒勞仰屋大司農

神功昭代邁軒轅按劍威馳九塞奔北部羈縻踰大漠西郵
斥候越崑崙名王入侍千官肅窮島輪琛萬國尊誰道長鯨
能掉尾三山蹴動海波翻

趙佗臺畔起戎機閼母風號海水飛軍似棘門真可襲節隨
檀客竟無歸冠裳鱗介震中雜城郭人民眼底非欲斬長蛟
無利劍空教志士日歔唏

渤海雙門碣石標鸞帆飛渡一何驕遽驚突厥窺關內誰導
匈奴犯渭橋蜃市凌空工作幻蜮沙吹毒敢爲妖漢家表餌
多奇策拜捧金繒戴

聖朝

鑿空奇情鄂渚喧
夸艘入泊楚東門
鮫人濯錦臨江漢
鱣族移潭挾子孫
百變水嬉成晏衍
雙流天塹撤籬樊
珠盤玉敦交驩甚
鈴閣樓船迭舉尊

飛將橫戈出楚疆
孤軍陷伏寇方張
徒摧銳氣敖曹沒
未殄紅巾察罕亡
報國熊羆空壯烈
滔天蛇豕復披猖
功名不作韓擒虎
誰出橫江取建康

登壇再起應河魁
慷慨臨戎尙墨綬
廬墓詔催鵬舉出
收軍人慶子儀來
指麾立變旌旗色
奇傑先羅幕府才
破膽威名堪走敵
今看楚塞廓氛埃

不寐

雪涕哀南將披衣望北辰飄搖傷亂客寥落濟時人
警鶴遙聞夜鳴鷄漸擱晨枕戈空有志江海媿閒身

戊午季冬登江陵浮圖

滄洲孤塔聳雲端絕頂高凌俊鶻盤風捲天聲橫野鷲沙沈
日氣壓江寒愁來出世談何易老去驚人句總難苦憶東南
烽未息不堪極目倚危闌

與淵甫耀卿西垣別後是夕舟次對月有作

斜日章華寺依依送客艫離心將夜月對影度重湖一碧波
初定三清翳總無歡條纔俯仰高咏已成孤

洪湖守風

夙憚洪湖險驚爲北洞庭風波欺客艇泉石冷巖扃浮世機
難息凋年晷不停將書問蘿桂先報草堂靈

舟發洪湖

昨避驚濤險今看駭浪收長天浮積水元氣合虛舟地訝淪
蛟室人傳出蜃樓

父老言此湖往歲曾見蜃樓

家山繞一髮招手卽林邱

小除日雪霽登山縱眺

常來阻雪望家山對雪今年客已還雪淨九閩懸日馭峰橫
萬笏拱天關市兒臘鼓聲喧耳野老村醪喜動顏召募從軍
年少子飛舟頻下洞庭灣

彭雪琴觀察石梅歌

觀察隨兵侍曾公將樓船出湘東擊粵賊於大江鄱湖血
戰數十皆大捷乘勝艤舟吳城之望湖亭下吳城舊爲三
國時周公瑾練水軍地是日觀察置酒亭下飲酣客言亭
側有巨石卧地文作老梅根幹觀察固善畫聞之大喜因
就石上點筆作疏花相間并書舊作梅花十絕於側好事
者鐫置亭畔有傳拓本示柏心者壯其事遂賦是詩

鄱湖戰烽石不裂文作梅根勢奇絕天然嫵媚誰着花補筆
神功仗人傑人中之傑彭雪公戈船破浪乘長風奪江奪湖
數十戰戰勝直泊吳城東吳城舊日周郎鎮彭郎再見威名
峻凱歌張宴望湖亭水國千年兩雄俊醉驚巨石眠蒿萊橫

斜影墮孤山梅彭郎善戰復善畫攢花作崇春風回解衣盤
礴氣莫當老筆寒飛武庫霜迴抱冰心銷燧火堅撐鐵幹掃
機槍興酣鏡刻置亭右銘功小試磨崖手拏攫真驚熊豹姿
屈盤堪怖蛟螭走彭郎今將習流兵請往擊楫收臺城盡覆
凶巢礫元惡域中江海波澄清石頭城下巉嵒石萬樹梅花
可盡勒壯哉石梅古誰埒將軍大樹武侯柏

再題石梅一律

胸有龍韜筆有神石梅奇格獨標新雄風特壯江山色正氣
先回天地春劍鋸荆殘銅馬隊戰袍飛徧玉龍鱗餘情尙覺
消難盡喚起周郎共飲醕

除夜憶及齊安行營時宮保胡公駐節軍中因賦是詩遙致
閔勞之意焉

丹心酬

聖主墨經任長城竟罷府中宴出屯江上兵枕戈申
國討挾纊慰軍情惟有

君親淚決瀾直到明

山行絕句七首

已未

前山驚鳳舉後嶺訝龍盤招我共翔逐遊戲青雲端
谷深罕人跡磴迴復縈紆喚破空山寂一聲山鷓鴣
草根未萌芽生機尙如遏微見石罅流涓涓泉脈活

笑謝明堂選般斤幸得全春來忘蛻甲髯叟不知年
山家止我宿鐙火勸松醪君悉東南事何時解戰袍
晨起別巖岫浮生苦未閒白雲不輕出送我便還山
我從雲霧來不記來時路回首過來山蒼蒼但雲霧

西湖禊飲圖爲汪蓉垞參軍題

平生未泛西湖曲畫裏烟波看不足秀色湖山天下無晴空
渺渺浮春綠參差楊柳覆亭臺灼灼夭桃沿岸開誰家上日
聯褰屐汪子英英九逸才湖光如此真妍麗何獨山陰始高
致依然鴈咏集羣賢天朗風和修禊事披圖想見盛風流誰
料征鼙動地愁戈鋌幾接臨安境湖上頻年罷俊遊任達元

虛何足慕晉家只坐清談誤況今江海尚烽煙豪傑能忘經
世務東南豺虎噬蒸民勝事回頭總愴神不妨收淚新亭會
江左夷吾要有人

答汪省吾大令

計車倦涉

帝京塵姓字徵書徹

紫宸頗訝高才淹墨綬總緣多難避黃巾陶家松徑能無憶
潘縣桃花別有春瘡清楚黎今亦憊亟須良吏察嘖呻

燕臺惜未接簪裾子季仍叨附鶴書送遠正臨黃鵠渚傳詩
爲訊白鷗居相看末路飛沈異獨悵流年鬢髮疎地下雙龍

埋劍氣因君懷舊更欲飲

竹侯逸齋皆予執友亦皆君友也

贈李湘秋

汝吾故人子環堵古城傍奉母獨辛苦吟詩皆老蒼流離經世故踴躍向名場猶有憂時淚東南尙虎狼

哀意劬

湛寂甘違俗清羸復善愁嘔心向篇什蛻骨委山邱水竹悽

無色

君自題所居曰水竹莊

煙蘿黯若秋流傳比興體恐是漫郎儔

正月廿有八日大雷電風雨

挾風霆四擊穿雨電橫飛震怒驚何疾初春見亦稀陰雲猶布黨陽德故先威消息推洪範誰能測化機

越日寒甚

凜冽何爲至方春與令違雷先龍啟蟄雪阻雁遲歸列幟將軍幕嚴風戰士衣誰吹鄒衍律早晚變寒威

春雪

萬里龍荒雪隨風入塞來花驚春豔發光燭化城開豪客銷金帳妖姬暖玉杯豈如對風景投簡命仙才

雪後登山

瑤華本無種忽逐春風開散入千萬樹流影何皚皚垂老富清興杖策凌崔嵬連山峙羣玉恍躡閬風臺仙人控玉蚪自酌流霞杯借我一白鳳相逐翔蓬萊清英集五內灝氣爲胚

胎超然覽八極俯仰遺形骸回首視塵壒局促何爲哉
雪眺

家山眺雪陟縈紆直躡單袂興不孤蕩蕩層城環岫壑沈沈
雙練卧江湖光凝宙合塵氛斂澗入郊原草木蘇目極長空
雲斷處歸程遙見雁行徂

春寒

暄序寒如此嚴風暮復朝雲依江上宿春向雪中消谷冷鶯
期誤天長燕路遙勾芒疑失令花柳闕芳韶

新柳

江上新晴弱柳枝東風吹起綠參差鱗渠盡日離亭舞搖蕩

春情寄與誰

野夫

遊止亦無定吾生出入機與隨
花柳往倦逐水雲歸
暝色起遙岫和風吹我衣
野夫任狂簡適意足芳菲

芳序

芳序誰相約山桃一夕開
老欣生意遂春驗化工才穿樹黃
鸝露窺簾紫燕回風光共流轉
幽賞起銜杯

雪琴方伯自軍中枉書兼寄墨梅裁詩報謝

隱矣空山不用文潛夫誰遣度
遼聞春來鷗夢閒江渚天外
鴻書下陣雲寬許平交魏公子
幾時長揖大將軍相酬惟有

書生筆待紀平淮冠世勛

封題初展墨花奇
明月空山寄一枝
不覺冰霜心慘淡
只驚忠義氣淋漓
閒情放鶴高吟外
餘力屠鯨血戰時
老幹總期扶日月
端然天柱壯撐持

寄贈雪琴方伯

明公威略震江湖
水國鯨鯢避舳舻
直卷白波傾酒棧
不煩黃石授陰符
雅歌意氣軍能暇
綬帶風流將是儒
東下三山帆進指
凌波蒼兕正堪呼

王樂山太守殉節詩

直冒危城入稱官
便死官策名心敢貳
蹈刃色無難父子亡

相繼忠貞事獨完浩然真氣在終古楚山蟠

加秩仍延

賞恩叨

贈卹隆九原銜

帝澤百代作臣忠廟食滄江上英靈碧漢中貪狼猶待射披

髮下援弓

哭鶴人中丞同九曾農部作

經年成債帥所至用飢軍寇熾援先斷功遲謗益聞夷傷仍
苦鬪身首遂橫分耿耿孤臣志惟持死報

君

登壇驚齒少操翰患才多縱有威名盛其如薊薊何志悲周
處劍力盡魯陽戈得計豺狼輩歡呼醉復歌

崎嶇完大節毀譽任當時將略誰無短家聲實不墮繼鷹安
得擊繫驥豈能馳局外持公論非因薦禰私

述感二絕句

氛連桂水踰湘水燧偪祁陽復邵陽五萬義軍同荷戟翻教
銅馬得鴟張

三千鐵甲蕩浮雲一戰湘潭盡掃氛今日豺狼仍壓境援袍
空憶塔家軍

濃雲竟日不能作雨

潑墨奇峰畫不成南來雲陣似連營何因快助翻盆勢倒捲
銀河一洗兵

歸舟寄耀卿

縱櫂西風裏閒鷗相伴飛流雲收雨過輕艇載秋歸離緒頻
縈夢家山慙息機晚看涼月上坐惜故人違

病瘧得無名藥草止之立效作詩頌其功

適叟患秋瘧偃卧無所營孱軀畏投藥小國憚用兵坐視水
帝裔作態何縱橫睢盱氣候變翻覆炎涼更野人走視我手
攜藥草莖但取兩葉許嗅之如解醒瘧鬼疾逃去形神豁然
清泰人欺馬服不泄武安名謀畫默已定一舉阮長平吁嗟

此藥草倉扁所未評用之效最捷悍敵失其勅英傑有韜匿
小物喻至情寄言選將者毋但先虛聲

中秋雨夕

涼雲挾雨黯深更不見銀蟾海上生
衮衮百年幾圓缺悠悠萬事一陰晴
當歌金管猶遲奏吐燄華鐙故闕明
除是龍文雙劍氣倚天能掃碧虛清

芟竹種松二篇和袖石同年

邊侯愛竹取疎直亭亭特表琅玕色
紛紜穉筍尙斬除何論荒榛與叢棘
一夕春雷拔地長凌雲傑出冠班行
龍吟鳳嘯無凡響會有伶倫獻

廟堂

東方夜失蒼精龍化入平地爲喬松邊侯一日再三撫竦然
如對徂徠峰天遣孤根標正直扶持況有神明力山深霜雪
蟄龍蛇看汝蒼寒浮黛色

八月十七夜江皋步月作

中秋待月月不吐瑟瑟涼颼送疎雨今夕流輝獨炯然更遣
纖塵置何許病叟江皋踏月行冰壺世界納空明三山欲逐
飛光湧萬里惟餘灝氣清却憶前宵風雨競姮娥不啟山河
鏡遠塞雲沈旅雁書疏簾鉦暗寒蟾徑圓缺陰晴總偶然暗
中只惜換流年不願服丹鉛不願髮重元但願三萬六千日

金尊與月長周旋

十八夜月下寄耀卿

江樓初上月望遠一高歌不道清輝減翻增別思多羣英賡
法曲之子悶雲和正欲題書訊賓鴻天外過

隆兒歸舟未至

渺渺蘆花岸滄江秋氣深收帆何處宿擁被幾回吟日夕睇
遙浦風波愁我心歸舟猶未達不散碧雲陰

寄遇兒都中

玉宇浮闔闔金臺集俊英但期儲杞梓莫擬賦都京曲學尤
宜屏先資未可輕歸時問關吏應識棄繻生

聞楚中將帥議會兵東下

南顧氛都掃東征穴可摧上游宜秣厲進發莫遲回帝怒聲
方赫天誅綱自恢師行申弔伐只在戮渠魁

盡日

簷宇棲山靄江天結畫陰孤懷寄幽迥萬象入蕭森盡日屏
塵務徂年違壯心養疴搔短髮渾欲不勝簪

晚過山寺

招提藏複嶺寂寂謝塵氛灌木會秋氣虛簷宿野雲湖光澄
漸斂谷籟靜多聞向暝遂言返微茫徑略分

寄鍾雲卿太守夷陵

蕭寺分襟春欲歸滄洲又見早鴻飛江聲西轉黃牛峽秋色
東連白馬磯蜀船相銜津市盛楚氛新掃羽書稀何時一棹
清尊共叢菊垂垂紫蟹肥

秋望

江上浮雲接渺縣家山秋望正無邊蕭蕭遠樹將沈浦冉冉
孤帆直到天冷蝶寒蠶催物候來鴻去燕感流年層陰只作
蒼涼色欲倩西風掃暮煙

秋陰

江上秋雲斷復連秋陰如夢更如煙飛來一鷺翹沙際渺渺
蘆花水接天

雨中遣興

驟驚秋色老亭皋
抱葉寒蟬亦不號
谷籟留風回激楚
江雲含雨助蕭騷
登臨物色重陽近
搖落心情百感勞
差喜牀頭新醖熟
只須痛飲進霜螯

徑荒

秋氣何淒厲
秋懷不可任
風傳孤鶴唳
野送百蟲音
黃葉當窗下
青苔及榻深
徑荒同仲蔚
日夕復愁霖

吟秋

壯懷無所寄
日日起吟秋
不屬靈均怨
非關叔寶愁
深悰耿
廉直亮節變
英邁適與商
聲感機緘
豈自由

積雨新晴行將赴郡

秋陰漠漠送連朝今喜晴光盪沈寥風定谷音畱
瀟莽雨餘山翠逼層霄相看令節鄉關近忽悵征帆水國遙
衰鬢栖栖猶旅食飛蓬何日息飄搖

吾廬

吾廬原不異郊垌天與荆關好畫屏林旭透光涵露白
家山作意向秋青簞車野穫趨相競簫鼓神叢走未停
蓬蒿逃名車馬絕只容猿鶴叩巖扃

晚眺江上諸山

嶽崎各殊態無數隔江山秋骨望中健雲情天外閒
自漸潤

塵壒相對阻躋攀何日巖栖果舉芝學駐顏

蕭晨

風物重陽近蕭晨晝總陰山容歸斂肅江氣抱清深菱葉何
先隕輕霜亦未侵化機原默運榮落本無心

村行

修蘿裊虛谷灌莽接荒畦向暮村春急先霜野穫齊雲陰仍
羃歷遠色倍淒迷未覺農談倦前林鳥欲栖

晚秋渚蓮猶有作花者

蕭蕭風物偏重陽折葦零葭各避霜猶有芙蓉矜獨立一陂
寒水闌紅妝

重陽前一日寄耀卿

千里登高約衝波忽閒之遂成山墅會竟負渚宮期紅樹驚
風雨黃花笑別離人生動多阻燕賞亦差池

芝房沒半載矣始能爲詩以述哀

昨歲維舟訪空然悵薜蘿只言增契濶誰道渺山河故里烽
塵接沈憂骨肉多長離返丹穴不復翻卷阿

雄詞金馬客寂寂向蒿萊竟作終童天徒深楚老哀著書表

微旨體國失通才二俊俱凋謝

兼謂
梅生

湘雲鬱不開

九日寄耀卿

故人遲我遠揚舫九日仍爲里巷停佳興獨傾桑落酒移文

無待草堂靈江浮樹色來荆渚秋挾山光下洞庭兩地登高
各惆悵離鴻向晚更愁聽

九日書懷示舍弟子章二首

經旬風雨滯征程九日家山始放晴高會忝爲猿鶴主和歌
難得鵲鵲聲丹青巖壑秋尤麗金碧雲霞晚更明眼底幽栖
堪送老只應松桂鑒吾盟

九日光陰宜故里百年天地着閒身難催離下黃花綻易放
尊前白髮新壯齒羈遊虛令節暮情搖落向蕭晨惟餘不淺
登高興欲駕長飈俯八垠

九日薄暮一蟹升階不知自何來也取以佐酒

豈有文章似長卿無勞入夢兆橫行不教孤負黃花節郭索
親來就麴生

將赴郡以風舟不得發

征櫂經旬阻石尤朝朝吟望白蘋洲藤蘿僻處都登徧直爲
家山緩放舟

今年羈客返柴關盡日行吟江上山秋興故鄉差不負寄言
猿鶴莫愁顏

江上縱目

征裝猶未別巖扃且爲登臨復少停危石春濤鳴急瀨斷雲
閣雨帶長汀林陰助暝全成碧山色留人特獻青高咏兼憑

秋興壯魚龍驚起暮江聽

漫成

老筆增悽壯多因秋興成千巖森石骨萬籟赴商聲塞馬霜
蹄健林鷹鷲氣生何如棄柔翰往事曼胡纓

予懷

望遠予懷渺雲山千萬重何人登橘柚無路寄芙蓉平子吟
空託潛夫論久慵垂綸隨所適煙水足從容

志士

川原鬱相接秋老益蒼涼風雨爭鳴夜園林欲變霜曜靈催
急景志士惜流光何訝著書客終朝仰屋梁

雲陰

桂花期接菊花期日日雲陰匝地垂誰翦秋光如此碎斷煙
零雨送絲絲

秋霖

聞道滄浪溢秋霖潦更多稻梁飽魚鼈兵革化蛟鼉上策忘
分勢奇功慕塞河一家縱鄰壑汜濫奈愁何

聽雨不寐

卧聽秋窗雨蕉桐響未殘階攬蟲語碎枕墮雁聲寒隴畔渠
將溢軍中幕不乾無眠愁擁被更覺夜漫漫

放櫂

秋深放燿獨西征風定湖波不復驚煙雨淒迷渾似夢水天
蕭曠更無聲依依猿鶴臨江怨眷眷鷗鳬導客行寄語家山
舊蘿桂歲寒吾不負前盟

野泊

回汀暫泊似浮空渺渺湖天望不窮孤艇雞栖煙雨裏數家
鷗寄水雲中根翻荒茭寒鳴瀨葢卷殘荷力戰風蕭瑟情懷
誰共語草間時自咽秋蟲

泊舟湖上老人雷姓移舟相訊蓬窗歛語良久別去疑其隱
君子也憮然爲賦一詩贈之

鼓枻煙波少世情殷勤艤楫慕班荆潛郎久自淪江海漁父

猶勞問姓名却願誅茅纔咫尺相畱折芰若平生悠然興盡
拏舟去葭菼西風向夕鳴

雨泊湖濱

湖中三日雨風作復停船漠漠迷宵晝茫茫混水天鴻深如
遼古蕭瑟總寒煙獨客情何限愁飄若箇邊

湖中雜詩八首

葢卷荷翻白花疎蓼浥紅鷺鸕拳未穩驚起避西風
半篙通淺渚便得避風灣只隔葭浦外春天浪若山
夜聞風更鳴風定雨不止風雨兩無聲軋軋絡緯起
不復辨扶輿誰能測朝夕橫空風雨中一片秋濤白

天形垂在湖漫浪與終古疑溼水中天朝朝透秋雨
雨止起鳴榔湖天更朝霧遙聽鳴雞聲茅茨定何處
墜粉蓮房溼低垂盡拂篙無人損秋實零落委波濤
杳冥如古初漭漭無津岸但見白鷗飛衝破蒼煙斷

舟行值秋潦慨然興咏

二首

我行西沂流秋漲浩無際云是滄浪波橫溢勢所至當茲擘
斂時猶復盛金氣二曜韜其光累月羲娥避悽風宵怒號陰
雲晝沈閉閣閣鳴未休蛙黽穴中沸楊柳如春條青青臨水
次橫潦旣不收愁霖復相繼晚實沈波濤飄搖委嘉穠靜念
陰陽愆感召恐非細兵甲猶未休淪胥益凋敝生民何不辰

劉之爲垂淚扁舟凌蒼茫泛泛水雲寄垂白仍道迷遑言策
康濟

漢水入楚境州邑環其旁治隄以捍衛然後安室堂饒沃略
相等視隄爲存亡自從今年夏北塞南不防開門揖蚊蜚濁
浪排天黃隄北賽田祖隄南淪滄桑安危判畛域豈曰由彼
蒼禍患在眉睫昧者實自忘壑隣此則病激流彼亦傷吾聞
善導水非恃力能障廝渠殺厥勢畚鍤功乃彰漢志著三策
今誰采其長

曉發

潦多奔赴壑雲霽散還山宿鳥起相命征帆亦不閒朝光上

林莽秋色老鄉關計日渚宮友清遊許共攀

舟次漫咏

秋潦縱橫不見津田廬杭稻委沈淪垂楊盡是傷心色却換
青青二月春

舟過立甫故居賦絕句悼之

神鋒纔一試遽自折干將尚有英雄恨悲風激草堂

曉渡長湖

地是霸王國湖當鄢郢間天空圍廣澤水險敵重關往事雄
圖渺秋帆客夢閒曉鷗貪淺渚飛去復飛還

芝鹿凡銘 三首

支離其德我與爾卧隱嗒然南郭子綈輪徵車不及此
安不汝離危不汝遺予散人也故惟散木之是知
汝歸於樸我息其辱將共處夫材不材之間

百柱堂全集十八卷

己未

庚申

監利王柏心子壽

張兵部宅石歌

石在宅前狹巷中乘月偕簾三亦淵耀卿往觀之

兵部故宅生蒿蓬蕭條狹巷輪不通夜深星月光射地歛見
衡岱凌寒空泄雲吐雨無由顯鬱勃穹窿莫能展昔登甲第
擅嵯峨今委頽垣甘偃蹇同行數子駭且誇復與感歎爲咨
嗟世無米顛解好事終古埋沒隨塵沙初平之羊叱卽走芥
子須彌納何有仙靈奇幻亦難測神不能值鬼難守庶下陷
瑟何爲哉年年風雨生莓苔不能飛去不變化負此雲根絕
世才聶生好奇寶過我請效夸娥志必果直須指顧麾百夫

牽絃裏氈無不可會當移置十畝園特放芙蓉青數朶我初
聞此意憮然古來抑塞多豪賢望也鼓刀信寄食豈殊此石
遭連遭生乎有力肯移此石不能言色應喜又恐生言或虛
託金牛力士久難作歸來繞屋猶沈吟直至參橫月將落
寄贈耀卿

文學諸生逐隊陪羣中今始見龍媒幾年霜鐔韜奇氣一日
風簷賞俊才受如舉使有
復如舉使有汲古好垂千尺綆修名如築九層
臺相期弱水能飛渡直躡金鰲頂上來

寄李生雲梅

一門昆季盡諸生第五今齊驃騎名小阮入林仍把臂大羅

高咏定同聲章縫兩代娛斑彩文史三冬富短檠君等莫忘
天下任吾衰還望濟時英

自沙津赴辰州別春澤箴三耀卿

一櫂津亭悵解攜朔風吹雁更悽迷江流未似天涯月不送
行人過五溪

舟次寄耀卿

日躔遵北陸客櫂赴南征郢樹通黔迴江波入澧清故人成
契濶晏歲逼崢嶸酌酒未能醉起看霜月生

自武陵至夜郎皆古黔中地

沂澧

悠悠浮澧澧古緒忽然蓀蘭芷思公子薺菰怨黨人騷音如

未墜素瀨絕無塵亦有廉貞志彈冠沐甫新

朗州感甲寅事

晷齒連荆峽湯池帶澧沅如何昧重閉亦未乞分援往錯安
能鑄前悲忍更論通關仍復舊恐有未歸魂

武陵道中

迢迢楚客歷重關天入南荒不斷山灘響似爭三峽險土風
初涉五溪蠻蕭條岸芷沈騷怨迤邐霜楓絢客顏不慕封侯
不持節年華送老道途間

過河湫贈彭器之太守

滔滔沅澧匯重湖綰轂通津此要區蠻塞名材浮澗壑漢家

權法算緡租取資飛輓千軍足坐對溪山一事無年少繡衣
能借箸濟時何必讓夷吾

桃源曉發

古臨沅也

置縣臨沅水途當鼎澧西蜀黔通百產辰酉納諸溪往事烽
曾偪仙源路久迷征車催曉發川上散鳬鷺

白馬渡

我呼白馬渡如駕蒼螭遊天借日華浴波將山翠流窗低數
魴鯉棹過起鳬鷺聞道仙源路籐蘿不可求

桃源洞距此不遠

鄭家驛

荒驛通蠻塞朝暉散錦文峭崖不戴土懸澗只流雲霜磴樵

松滑山園拾橡勤自然淳悶俗可以鎖羈紛

翠鳥

山深多翠鳥往往悅晴暉照水自矜惜見人先避飛栖遊恒
不妄矰繳自然稀寡識悲稀呂何曾燭禍機

輿中偶成

盡日山光澗影中或騎翠鳳或騰虹偶然得句旋忘却恐化
飛雲上碧空

漫咏自嘲

竹擁千夫纛松垂五丈旗征人無使節夾道有旌麾

太平鋪

過此則入辰州境矣

過此忽閒谿休嗟偏仄行郡分乘嶺斷礪峻瞰川平漢法羈
縻久蠻鄉瘴癘清舞千懷

聖化桴鼓不須鳴

入沅陵山行益峻

山縱蠻荒險雲橫瘴塞遙雄堪蟠厚地峻只礙穹霄歲暮途
迢迢冬深暖倍饒長林與豐草霜後不曾凋

土風

莫道巖居苦巖居事事幽通泉竹作規枕壑石爲樓傍舍蔬
畦密籠山茗利倭土風皆使女負戴幾時休

至界亭驛始見垂柳

邃壑高峰絕少塵松杉栝柏競輪囷依依忽見郵亭柳便似
江鄉遇故人

辰龍關

連山蟠辰龍峭壁削精鐵迫狹不容車仰視但巖岬鳥飛不
能踰走獸迹斷絕一夫當關門百萬足摧折雄壓溪峒間胸
腹可披裂盤弧氣不驕鉗制倚扁鐻地形信便利將略仗雄
決自從莊蹻來知經幾喋血丸泥曾未封謀乖遂蹉跌不聞
古轂函恃險多覆轍道隆銷亂萌運替啟梟桀愧無勒銘才
述往示深切倚崖發浩歌天風助激烈

入辰龍關

環塞千峰類削成
文淵慷慨此南征
豎儒不綰封侯印
老向辰龍關上行

馬鞍關

昨過辰龍憇今晨
度馬鞍重關丹嶂表
孤劍白雲端奔走嗟
年往風霜偏歲闌
去鄉二千里束望渺漫漫

芙蓉關

芙蓉關獨峻濃翠插晴空
貪看峰巒秀渾忘障塞雄
搜身疑控鶴吐氣欲成虹
呼吸天門近猶慚句未工

踰清山坂

憑崖四顧俯飛鳶
直覺雲霞與比肩
孤折一梯凌黑塞
橫磨

萬劍倚青天溪山奇勝收囊底夷獠全形動目前足跡九州
經大半壯遊誰道在窮邊

至辰州呈墨莊師二首

詞臣乘傳領專城坐嘯能令瘴癘清蒼狗浮雲羣態幻白鷗
流水此心明折衝境上無烽燧磨盾胸中有甲兵伏莽潛銷
終不伐渾忘智勇與功名

憶詢奇字侍尊前不叩元亭十五年馬首敢辭千里駕龍門
重謁百蠻天滄江飛輓時方急邊郡栖遲久未遷世事多虞
離索易臨歧無語共茫然

贈戚少雲太守

邊吏身輕血戰餘書生才略任戡除論功遂擢二千石表異
先乘一丈車暫借箸籌資筦榷仍煩囊智佐儲胥相期迭掃
鯨鯢後寬法無妨結網疎

飛霞嶺畔停遊展明月山邊訪故人已覺頭顱增白雪何堪
涕淚說黃巾蠻陬邂逅開樽地晏歲蕭條放棹晨天下安危

公等在吾喪歸計只垂綸

飛霞山在辰州郡署明
月山在辰州南門外

辰州郡齋眺遠呈墨莊師

坐嘯從容鎮百蠻時平吹角戍樓閒憑闌碧合雙江水

辰西
二溪

會於城下郡
人稱爲二江繞堞青歸一郡山

文德累朝移獷俗要荒終古峙雄關東陽賢守傳家法八咏

清風可再攀

辰州

秦置黔中郡唐開招討營五溪歸控扼百峒俯縱橫綏化期
無擾懷邊在至清惟良二千石方足寄專城

老矣百無慕南荒汗漫遊非工蠻府語或類賈湖畱邊郡圖
經少師門禮數優風騷涉蘭芷枉渚亦難求

百曳灘

漢劉向馬成征五溪蠻至此灘用百人曳舟而上後以深入戰歿薄名始此

百曳名猶憚孤舟客乍經蠻天銷戰伐漢將泣精靈浪外橫
飛雨空中怒走霆須臾欣出險激箭不曾停

北斗灘

灘石如斗杓

畏路心旌日自搖，扁舟愁犯石嵯峨。
浪花飛送東歸客，灘勢迴成北斗杓。
猿猱尙驚高嶺墜，魚龍故向旅人驕。
區區忠信聊相試，爲語篙師疾奮橈。

北溶

土人呼水深處爲溶

北溶深莫測，地軸若爲開。
石布千軍陣，濤轟萬古雷。
衣驚湍雪濺，舟躍浪花來。
蜀客罕經此，惟誇灩澦堆。

清浪灘

灘凡四十里，號爲極險，上有伏波祠，壺頭山在其左。

蠻江石作底，清浪石作面。
石與江爭雄，截江若斷綫。
江怒益喧騰，萬古與石戰。
雷霆撼爲宮，日月隱不見。
輕舟出其間，恐犯蛟龍嘯。
榜人爭奮橈，疾下如飛電。
擲出浪花中，萬象皆變幻。

丁未年三月十一日
七
眩瞬息過前山飛沫送猶濺憶昔馬將軍壺頭勢未便裹革
哀忠魂讒巧遂交煽廟食畱江干過者擷蘋薦性命誠可輕
功名何足戀吾衰經畏途封侯非所羨請從下澤車輟誦伏
波傳

伏波祠

隴蜀初平戰伐閒君王已閉玉門關請行何自先諸將垂老
猶思效百蠻長者家兒工譎訛中興圖畫絕躋攀惟餘廟食
沅江側不負孤忠裹革還

壺頭山下感宋均事

文淵忠壯固無倫勝算還當屬宋均矯制受降兵不頓誰知

謁者是功臣

舟望明月峰愛其峭蒨甲諸山

單椒削碧玉娟秀何多姿霜雪冬不犯綠蘿森蔽虧環麓蔚
芳草萬古含華滋碧潭映其下端然明鏡窺仰睇忽軒蒼鸞
羽參差垂又如青蓮花卓立當空披雲霓挾飛動不借天風
吹欲渡滄波去蓬壺與肩隨巒嶺富崖岫荒怪饒險巖茲山
獨秀拔縹緲尤靈奇似聞絕頂上復有明月池羣仙酌沆瀣
相勸餐瑤芝安得假羽翮高舉相遊嬉

舟次漫成

南行千里涉邊陲日覺峰巒入望奇開闢茫茫莊蹻路英靈

處處伏波祠蠻江舟楫通黔蜀民俗歌謠雜漢夷歸客渾忘
途遠近浩然山水興方滋

寶子洞

巨石陷口深窾其中大如百斛
奏故有是名

石腹坦江干呀然露空洞或云龍宮藏百寶蓄茲寶或疑麴
蘖徒千斛酒船逆聞當春漲來吞吐萬山開亂石排狼牙人
鮮慙堪痛崖罅趾不容百丈莫由控鐵索誰所施絕壁得飛
鞋我來屈嚴冬寒流縮且凍惜哉無飛淙妙聲闕虛空何當
傾五溪石竅發奇弄廣樂張洞庭一振鈞天夢

蠻江

蠻江一望斷人腸猿畏臨崖鳥憚翔回首伏波祠下路不聞

吹笛也雷寰

古今注武溪深者馬援南征之所作也援門生爰寄生善吹笛援作歌以和之名曰武溪深

雨泊桃源洞

寒雨宵鳴沅水濱維舟難訪避秦人
自慚仙隱皆無分不逐漁郎更問津

穿石

山體純石其麓有穴東西洞然視之如穿

混沌無端鑿斤疑郢匠揮東巖承夕月
西嶺漏朝暉雲觸當能補風鳴恐卽飛
容卿堪數百誰稱此腰圍

下螺螄灘

江色青紅浮蜃氣雲根赤黑狀蛟蟠
扁舟飛出驚濤外過盡

辰州第九灘

百曳九岐橫石北斗懼急情浪雷回螺螄凡九灘皆名灘之至險者均在辰州境至常郡則漸

勢皆平矣

抵朗州得燿卿書

袁生昔寄五溪吟
子亦瑤華惠好音
我自浪遊非壯略
功名未有伏波心

武陵阻雪未得見性農賦詩寄之

歸帆風雪暮沈沈
漢壽城邊阻盍簪
羈客遙窮南塞路
故人高卧北山岑
桃花仙洞約君隱
蘭芷空江愁我心
未折疏麻代芳訊
題詩聊用託鴻音

贈蔡倫嘉

舊客容城市來栖
沅水濱相逢尊酒夕
似我故鄉人高論通

今古深心託隱淪幾時鞞鼓息歸卧五湖春

鼇山曉發

霽色散凌兢侵晨發武陵松明山寺雪蘿掛石泉冰鳳鼓催
何急村醪醉未勝征塵何日洗鄉思苦相仍

清化驛

起伏山無數縈紆九折長躋崖旋度壑下坂卽升岡蘿薜陰
蒙密松杉氣鬱蒼峰巒差足慰泥淖太相妨

霜

雪霽霜尤肅嚴寒比塞垣大威無不殄殘孽爾猶存側想江
干帥將移皖口屯

王師申討伐挾纘定能溫

津市

歸客去蠻陬重瞻澧水流
眼明煙渚秀風送市聲浮
遠樹圍平壤長堤翼沃疇
巖巒從此少風壤接荊州

乘風渡洪湖瞬息抵家

西風湖上布帆開
長嘯凌波氣壯哉
爲語蛟龍休跋浪
蠻江新渡惡灘來

除夕不寐

十載別黃墟人間影自孤
亦知途漸近故遣夢都無
婚嫁增塵累干戈送老儒
泉臺曾覺否辛苦屬孱軀

還山後奉懷墨莊師

庚申

超然心與澹雲閒
世事雖蟲得失閒
鞅掌不言三載績
支頤惟愛一州山
塵中腐鼠徒相嚇
天外冥鴻不可攀
回首琴尊渺千里
春風日夢別時顏

霞集

密霞不成雪
朔風聲滿天
但欺叢竹亞
故避早梅妍
綵勝斜攬影
春盤巧簇筵
村農占宿麥
泥飲樂逢年
耀卿許泛舟
相訪詩以遲之

天送物華春
雲霞處處新
江山含麗藻
花柳待詞人
有客思離索
相期訪隱淪
衡門先掃徑
倒屣望嘉賓

再寄耀卿

春風隔歲至密若故人情湛湛大江水綠波漲將平羣岫黛
如沐嫣然媚且明幾日見梯柳弄色搖新晴庭前眾芳草一
一抽其萌雜化感淑氣次第將舒英南園萃黃鳥側耳方嘤
鳴嚶鳴爾何意無乃求友聲矧伊同岑契能不懷友生夫君
約放櫂云當訪柴荆疑義待互析雅調期同賡停雲何媚媚
日暮天末征引領望三益幾時開徑迎

鸞鵞行寄孝鳳郎中

俗論譊譊任耳目一生不識鸞與鵞偶然苞羽下江湖謂是
鵞鵞競飲啄戴仁膺義炳奇文世無天老誰能分方當上擊

九千仞阿閣深巢五色雲

腥風

智亭不作羅山殞白骨東南委亂麻妖鳥年年啼不住腥風
吹斷秣陵花

吳又樞司馬泊舟見訪不值畱詩見寄賦此奉答

長沙門館盛賓遊別後烽烟動地愁直爲才華憐賈傅不須
淪落歎江州凋年尙滯依劉客斜日空停訪戴舟天末題詩
共相望但憑瑤草寄汀洲

答淵甫見題拙詩

張子有深識清襟邁等夷韜真多用嘿知我不關詩文武需

才日江湖養拙時徵車非所望巢許是吾師

春興一首答耀卿見寄

萬山高處攀南斗千里歸來侍北堂日日山禽報花柳春光
偏爲里門長

天關行

天關日逞飛廉力搏戰爭雄競南北梯柳天桃不自存長松
簸蕩無時息木德條風始扇榮何爲大縱土囊聲誰樹北斗
調元氣醲質嚴刑恐未平

從姪家蘭甚有士行以詩勵其志

鄉里小兒脈梁肉汝獨終朝對壘粥少年被服羅與紬汝獨

短褐常不完汝爲吾 祖之曾孫少孤諸弟多未婚無田可
耕那得稼汝叔又未乘高軒讀書奉母忍艱苦諸弟投室悉
資汝雖經寇難皆得全汝亦次第長兒女衝風震天揚波濤
往往變節多賢豪主租算緡盡應仕誰復低首甘蓬蒿長松
礪礪雪霜裏風雨雞鳴獨不已汝乎鐵中信錚錚勁骨飢寒
鍊奇士花竹扶疏滿徑春吟詩風格清且澹楷冠高歌出金
石誰道今世無其人

寄九曾農部

聞君銜恤閉門居賴有機雲慰友于穉筭定抽新闢徑殘編
時檢未焚書龍文虎脊誰方駕蚓穴牛涔一掃除倘過荆臺

當艤權論文尊酒莫教疏

遣興二絕句

柴門江上峭寒局桃未飛紅柳未青春到花朝仍未覺北風
吹雪水冥冥

長風難掃凍雲開絕少鶯聲向曉催不是疏梅香數點春風
猶似未曾來

耀卿枉訪山中喜贈以詩

扁舟乘興雪中來健筆生風走電雷鶯燕避寒遲淑序蛟龍
跋浪鬪驚才褰裳果訪山中徑翦燭徐傾座上杯好月亦隨
佳客至林花卽遣一時開

驚蟄大風雨書此示耀卿及隆兒

二月春江惡浪生破空風雨勢縱橫少年才力應如此筆走滄溟世總驚

雨翻巖瀑聲如注風撼天門夜欲開寒逼蟄龍先自起飛騰何必待春雷

風雨憶友石江上

一劍橫腰壯士身金臺北望迴嶙峋誰憐風雨滄江夜尚阻中流擊楫人

題友石吟卷

颯爽英姿一卷詩全將赤手搏蛟螭將才倘遇馮唐薦正是

君王拊髀時

雨中作此爲耀卿遣悶

清寒料峭逼疏櫺
寂寂鶯花信未通
燕子不來春過半
江山只在濕雲中

三徑朝朝風雨加
渚宮才子過山家
東風不放千林萼
似避江郎五色花

仕隱圖爲范君月槎題

天壤有真我長如金石堅
不關仕與隱外物皆蹄筌
坎流辟行止委心任自然
愚者蔽所溺膠柱方鼓絃
金紫與山澤未識孰爲賢
本無不朽業徒成草木年
亡羊笑臧獲優劣何分

馬范侯信曠逸甘栖博士毡浮沈且玩世簪組偶林泉作圖
示微旨豈必待言詮知君負奇尙久滯橫海鱣退則紹絕學
進將竹帛宜眞我自有在方寸操其權超然仕隱外粉墨安
能傳

將赴郡阻雨未得發書示耀卿

日日春風費剪裁春分不見一花開薰桃染杏遲難就頗訝
天公乏妙才

東風不肯鬪繁華細雨惜惜涇浦沙欲待扁舟助吟賞先教
勒住濟宮花

江上雨眺

幾日閉門坐偶然眺遠汀誰知沙際草相約雨中青江國寒
仍重林芳夢未醒何來片帆影餘力劃空冥

耀卿冒雨過聊園看花主人陳韻石畱飲作此奉簡

看花仍冒雨率爾造東隣鄂甸來奇士聊園有逸民撻裳方
叩戶投轄遂畱賓明日傳佳話林宗墊角巾

二月十九日質明大雷電

曙聞雷雨起披衣赤電燒牕枕上飛已遣陰霾銷黛類卽看
草木變芳菲暄和令始符陽德翕闢人誰測帝威遠憶江淮
諸將帥須乘破竹用兵機

湯賦

九天雷電破春寒從此陽和草木歡
魅孽空山無處匿翔遊
朝野盡鸛鸞

積雨初霽

侵曉雷聲盡宿氛雨收江氣散氤氲
四圍瀑盡喧蒼磴一半
山猶捲白雲
夢隴未堪藏雉子柳汀各自浴鷗羣
新蕪含意
滄洲畔待助春晴錦繡文

春仲寒甚

春仲行冬令勾芒恐失時日烏韜宿靄
海燕誤芳期黍谷變
無術茅簷寒可知陰邪防內侮洪範理宜推

憂來行

一春欲雪不成雪苦霧淒風連兩月陰陽錯迕誰所爲隄序
無端驚凜冽山中老儒目未見此事或恐涉災變不聞政令
傷嚴苛但慮蠻夷侵赤縣憂來口吟心更勞黍谷暖律何時
遭誰其擁篲呼皋陶起掃浮雲間闕高

苦雨散愁

今年芳信滯林端寂寂山園意少歡黃鳥隔離窺徑溼白鷗
將雨送春寒坐銷清晝繡書倦起挾浮雲拔劍看自酌芳尊
畱客住風波湖上放船難

與耀卿約同赴郡將發復阻風雨口占二絕

誰遣寒風日夜吹烟波頻阻挂帆遲才人莫便匆匆過或恐

山靈尙乞詩

江上君來實起予
淹留差足慰離居
他年入直金華省
倘隱寒山風雨廬

雨泊

斜風吹急雨
芳序變蕭晨
乍見參差柳
方知浦溆春
帘搖烟外市
簑擁渡旁人
畱滯扁舟客
徒嗟物役身

舟次對雨書示燿卿

日日愁風雨
羈懷未可論
地卑饒澤氣
波冷淡春痕
尙作籠中鵠
猶慚海上鯤
同舟賴仙侶
慰藉有清尊

細雨一首

細雨誰縑出長天
羃四圍冥冥連岸失脉脉
逐風飛引綠痕
初活催紅力尙微
老漁渾未覺笠重竟忘歸

春分日風雨大作

維舟烟雨裏一水去迢迢
雲起侵天溼風來獵樹驕
人將苦昏墊天尙閔芳韻
客路看春色青青只柳條

嘲西風三首

爲我語西風徒能滯短蓬
溼雲吹不起猶在柳絲中
絲雨度回波風來與擲梭
織成終異錦巧絕竟如何
揚帆靚面來噴薄浪花開
明日東風作誰爲破浪才

代西風答三首

送君卧東山好作泉石主君自樂西征翻訝風相阻
利鈍亦何常相代不相假君看利涉人前此守風者
行行與君別津路自茲分倘值東歸日猶堪一送君

乘風渡白鷺湖示耀卿

不知帆勢捷只覺浪花翻岸樹爭前逐湖雲卻後奔神山堪
引到弱水足尋源知爾乘風志能符夙昔言

舟次爲風雨所滯撥悶有作

不聽風聲卽雨聲扁舟日日滯西征莫嫌鷗渚長畱客尙有
龍驤未進兵青帝嘘春回煦育黃人捧日出滄瀛二儀旋轉
非難事翹首雲間望太清

舟過林家溝重悼立甫

楚材惟立甫可與論孫吳未了英雄事先捐烈士軀星辰掩
河鼓風雨蠹陰符近報

王師利精靈許慰無

鄰舟有二健兒歸自皖管與談近事

聞道金陵勢已孤天兵指日度蕪湖臂懸斗大黃金印看取
今年縛賊奴

夜聞風雨不寐作二首

蹴地鼙鳴壯憑林虎嘯雄孤舟汀草畔一夜浪花中瓠落才
名賤萍漂去住同擁衾寒不寐斷續雨隨風

何處物華新光陰又換
辰煙花如避客風浪轉愁人相對雕
龍彥詞賦同成屈蠖身雲開帆便挂猶及渚宮春

曩渡三湖輒遇東風今行殊滯賦詩爲湖神解嘲

往歲檣烏拂羽翰今年不轉相風竿馬當休便誇神送未有
文章敵子安

遲暮飄零道路邊流行坎止付蒼天
燒船破敵非吾事只合東風借少年

東風頻歲送西征未免湖雲別太輕
今日蘭橈波上駐石尤方見故人情

三湖遇西風率爾自嘲

久聞歸隱大江東何事勞薪道路中正恐菰鱸忘舊約故教
張翰悟西風

風雨舟中與嬾卿聯吟甚樂詩以紀之

仙侶同舟濟淹留未覺遲披衣同起舞發篋互藏詩白雪郢
中曲天風海上師不孤剡溪興歸櫂載英詞

嬾卿歸舟久滯距鄉閭僅兩舍復阻風雨輒賦此詩代爲遣
悶

白螺洲畔泛舟回遊子行吟氣壯哉直遣波濤三峽倒故驚
風雨九天來鄉關水驛猶相滯歸信家人已屢猜晚霽揚帆
明便達高堂先慰笑顏開

將抵沙津口占示耀卿

君自歸家我別家落帆煙雨傍章華西風將我還鄉夢吹到
江干楊柳花

苦寒行

元封大雪寒莫比三輔人民多凍死今春不雪氣尤寒惜過
瘰瘡與墮指冥冥晦霧逾七旬雨雪雜遝宵復晨破空震電
亦時作尙苦陽氣扶難伸山中人來過我語老民什九踣牆
廬長松百尺僵忽摧馬牛蝟縮誰能數我坐虛堂寒不勝齒
如齧雪胸懷冰重衾擁裘尙難禦何況短布當淩兢春陽布
德在暄煖愆序翻然變嚴肅干時特縱元冥驕失職勾芒反

潛伏君不見凶渠入稔巢建康粵滇黔蜀多跳梁得無真宰
忿豺虎不惜非時行殺傷亂領妖腰卽屠磔天乎幸勿傷吾
麥

客中寒食

雪後逢寒食青陽甫散和人間春色少海內戰塵多羈旅惟
愁共艱虞奈老何縱教花爛漫亦覺興銷磨

憶舍弟子章

汝渡錢塘木葉稀看雲頻見雁行飛雪消荆樹春將老烽偏
茗谿客未歸方鎮威助誰禦侮艱危出處在知幾門閭日聽
刀環唱大好家山且息機

清明勉齋燿卿過飲

冰雪餘寒特送晴
蕭齋寂寂度清明
纔瞻淑氣回暄序
不負芳辰賴友生
四海風塵連羽檄
百花消息滯春城
開尊且共酬佳節
一醉都教萬感輕

展其隨使車過荆臺甫相見卽告别

題襟三載隔惜別一尊同
身世悲歌裏乾坤戰伐中
著書吾已倦採藻汝能雄
明發征輶速飛花送轉蓬

題展其蜀船草

遊屐凌千棧詩才運五丁
塞收蠻霧黑天送峽雲青
舞鶴依卿月啼猿識客星
山川待拙祕奇句未曾經

展其以青蘭峽石見贈分咏報謝

故人自蠻徼惠我青蘭花不道眾香國能邀萼綠華
騷情奉宿莽芳訊代疎麻永結苔岑契誰言心跡遐

飛墮碧芙蓉巫山第幾峰朝雲吹不散疊嶂望猶重
詞客能相贈遊艘惜未從峽猿定何處起聽欲支筇

連耀卿未至

近得仙根絕世芳苔岑終日但思君青蘭寂寂開仍謝
獨倚闌干望碧雲

樓上延眺

草樹兼波影縣延綠上城雨餘新態足風過雜香生
燕外亭

臺迴鷗邊浦，澈明高樓舒麗矚。秀句轉難成。

漫興

地僻堪容嬾，春歸始放晴。幽禽相與語，芳草自然生。靜裏天機放，閒中客思清。閉關恒隱几，絕少履綦聲。